

SHWBIZ KLIP

BON DIA



“Band Intwine stopt ermee” noticia sorprendente cu hopi hende ta lamenta



Tabata diasabra merdia cu nos contacto na Hulanda a notifica nos cu a sali den e corant De Telegraaf un articulo cu a conmove e comunidad Arubiano na Hulanda y cu na Aruba esaki tambe a wordo sinti. tabata sorprendente di por lesa e titula “Intwine houdt ermee op” mientras cu den e articulo ta wordo señala cu e banda Hulandes a anuncia via di nan website cu nan ta ‘doek op’ e banda rocker.

Nos a bay averigua riba nan website y loke ta sali ta un nota cu ta bisa:

Mas di un hende a keda boca habri di e decision cu a wordo

(NOTA)
“Na bijna tien jaar muziek, spijt het ons om te zeggen dat het doek is gevallen voor Intwine. We willen graag iedereen bedanken die ons gesteund heeft: onze crew, fanclub, management en iedereen die aan onze zijde stond. Onze dankbaarheid gaat in het speciaal uit naar onze fans”.

tuma pa no sigui e banda, na nos punto di bista nos ta kere cu ta algo mester a pasa den e banda of cu e team di maneho, pasobra den tur entrevista na Aruba Roger a señala e plannan di Intwine cu ta inclui e

proyecto yama “Children of the Wind” cu ta un documental di e chikitinnan cu ta windsurf na Boneiro. Nos ta corda si c’un para di aña pasa tempo di nan exito Happy cu a trece nan na Aruba cu exito y cu e concierto tabata den Havana tabatin un incidente cu e cas productor CAT cu tabata maneha nan. Durante nan di 2 a 3 album nan a bandona e cas productor y cos a bay hopi leu cu huristanan mester a interveni den e caso aki, mientras Intwine a sigui presenta normal y a logra haya un otro team di maneho. Di eynan nan a keda basta tempo si sa di nan, mientras nan a bishita St. Maarten y Corsow, pero Aruba nan no a yega dje lihe ey. Pero Roger den su tempo liber cu tabata masha poco tabata bin Aruba pa pasa un rato banda di su mayornan cu ta masha orguyoso di dje como tambe di e otro yiunan tambe. Intwine ta bin for di e ciudad di Tilburg bay di e liderazgo



di e ex-participante di e programa ‘Idols’, manera tur hende sa cu ta Roger Peterson (cantante) despues di tabata den e 10 mihonan di “Idols” e no kier a firma e contrat cu e organizacion di Idols y a bandona e concurso cu su frenta nan halto ya cu e tabata kier a canta su propio letra, melodia y musica. Su salida a causa confusion na Hulanda y a haya atencion di tur medio di comunicacion na Hulanda y na su salida seyonan discografico tabata

para na porta ofreciendo Roger un sin fin di cos. Pesey e la tuma su tempo y a dicidi e tempo ey pa bay c’un seyo independiente y cu a resulte bon di un banda. E banda t’e na ultimo aki tabata consisti di e talentoso Jacob Streefkerk (gitara), Jon Symons (gitara) en Eric Spring in ‘t Veld (drums). Intwine tabata un di e bandanan conoci na Hulanda specialmente despues cu e

Continua B/13



SHWBIZ KLIP

BON DIA



bos lider Roger a dicidi di graba e Top 40-hit Happy y despues dal masha duro mes e tema Cruel Man cu a resulta tema principal di un pelicula di accion Hulandes. Intwine ta un banda di rock Hulandes forma for di 2001 pa 5 estudiante di The Rockacademie of Tilburg, e estilo di Intwine tabata un fusion di rock cu reggae, latin e influencia di hip hop.

Durante aña e liña di fusion bin ta adapta pa un miho perfeccion di zonido y estilo, e album debutante na 2003 cu nan a yama Intwine y e di dos na 2004 yama Perfect, despues nan a adopta un color di musica

mas ‘heavy’ y scur den nan zonido den e album Pyrrhic Victory na 2006 como tambe Kingdom of Contradiction 2009, specialmente e ultimo aki e banda a incorpora hopi elementonan “heavy metal” den nan zonido.

Aparta di nan show regular, Intwine a presenta loke a bira un exito total na Hulanda como tambe na Aruba esta “The Acoustic Rumshop Sessions”, un seccion special di nan propio musica den version acustico den un tuxedo “Caribbean styles”, na June 2010 a wordo lansa “The Acoustic Rumshop Sessions Vol. I cu a resulta un exito tambe....

No por laga fo esnan cu a forma parti di e popular banda Intwine: Roger Peterson – cantante (2001–2010), Jacob Streefkerk – guitarra (2001–2010), Jon Symons – guitarra (2005–2010), Eric Spring in ‘t Veld – drummer (2008–2010).

Esnan cu a yega forma parti di e banda ta: Erwin Gielen – drummer (2001–2003), Jeremy Bonarriba – drummer (2003–2004), Kevin Hissink – guitarra (2001–2005), Ferdinand van Duuren – percussion (2004–2006), Edsel “Touché” Eusebius – bahista (2001–2008), Rocheteau Mahuwallan – drummer (2004–2008), Pablo Penton – bahista guitar (2008–2009).

Intwine ora di haci nan giranan tabata inclui diferente musicianan invita specialmente den nan Rum Shop Session cu tabata un di esnan cu a bira masha popular p’e estilo acustico cu nan tabata trece dilanti nan temanan original. Aki no tin cu menciona musicianan manera Roël Calister – percussion (2006–2007), Quincell Adolphin – bahista (2009–present), Rik Kraak – bahista (2009–present).

Nan lista di sensiyonan cu a pega sigur ta uno largo compaña p’e seyonan cu a respalda nan, aki nos tin cu menciona: “Happy?” (Dureco, 2003), “Get Outta My Head” (Dureco, 2003), “Way Out” (Dureco, 2003), “Let Me Be” (Dureco, 2004), “Cruel Man” (Dureco, 2004), “Slow Down” (V2, 2005), “You” (V2, 2005), “Peace of Mind” (V2, 2006), “Feel It” (V2, 2006), “Solo” (V2/INterTWINE, 2007), “Cut Me Loose”



Aki nos ta ilustra Roger y Jacob hunto cu Ruben Garcia banda di Cilo tres siman pasa durante Magic FM su transmision mainta for di Cas di Glas, aki nan tabata anunciando e siguiente proyectonan p’e banda Intwine

(V2/INterTWINE, 2008), “Perfect” (Tiefdruck-Musik/INterTWINE, 2009).

Aki na Aruba sigur lo sinti falta di e banda aki cu tabata gosa sigur di un admiracion hopi grandi di hobennan y hendenan mas grandi, cada un din an presentacionnan na Aruba tabata unico y diferente.

Ultimo aki nan tabata 3 siman pasa na Aruba den Zissles den Paseo Herencia y tambe un presentacion special

n’e evento di Cas di Glas. Aworaki kisas e nomber Intwine no lo tey mas, pero nos ta kere cu e nucleo di e banda lo keda hunto p’asina nan sali bao di otro nomber.

Pero kedando cu e concepto cu semper nos a conoce e hoben musicianan profesional, pasobra nos no por bisa kere cu e nan a dicidi di tuma rutanen diferente despues di tur e exito cu nan tabatin tras di nan nomber. Na Roger cu ta e Arubiano cu sigur ta un idolo pa hopi hende.



Esaki ta momento cu Roger y Jacob (Intwine) a caba di yega backstage di Cas di Glas net prome cu nan presentacion p’e evento cu a tuma lugar rib’e parkeerplaats di Renaissance Marketplace.